

# Lentswe La Modimo Le Tlile Ho Moporofeta

## William Marrion Branham

### **“Jesu Kreste Ke Modimo”**

*Jwale hoo ke tshenolo: Jesu Kreste ke Modimo.* Jehova wa Testamente ya Kgale ke Jesu wa e Ntjha. Ho sa kgathalatsehe hore na o leka ka matla ha kae, o ke se bontshe hore ho na le Medimo e MERARO. Empa le hona ho nka tshenolo ka Moya o Halalelang ho etsa hore o utlwisise nnete ya hore O Mong. Ho nka tshenolo ho ka bona hore Jehova wa Testamente ya Kgale ke Jesu wa e Ntjha. Satane o ile a kgukgunela ka kerekeng mme a foufaletsa batho nnete ena. Mme yare hoba ba e foufaletswe, ha e ya ka ya eba nako e telele ho fihlela Kereke ya Roma e kgaotsa ho kolobetsa ka Lebitso la Morena Jesu Kreste.

Ke a dumela hore ho nka tshenolo ya sebele ho tswa Moyeng o Halalelang ho bona nnete ka Bomodimo matsatsing ana re sa le bohareng ba kgopamiso e kana ya Mangolo. Empa kereke e hapang, e hlolang e hahilwe hodima tshenolo kahoo re ka lebella Modimo ho senola nnete ya Hae ho rona. Homme, hantle-ntle ha o hloke tshenolo kolobetsong ya metsi. E moo hantle e o tjametse sefahlehong. A na ho ne ho ka etsahala motsotsong o le mong hore baapostola ba kgeloswe ho tloha taelong e otlolohileng ya Morena ho kolobetsa ka Lebitso la Ntate le la Mora le Moya o Halalelang mme o ba fumane ba le ho hlokeng kutlo ka boomo? Ba tsebile hore na Lebitso ke mang, mme ha ho sebaka se le seng Mangolong moo ba kolobediteng ka tsela efe feela ntle le ka Lebitso la Morena Jesu Kreste. Kelello ya tlhaho e ne e tla o bolella hore Buka ya Diketso ke kereke motsamaong, mme haeba ba kolobeditse ka mokgwa oo, etlabo ke wona mokgwa wa ho kolobetsa. Jwale haeba o hloma eka seo se matla, o nahang ka see? E mong le e mong ya neng a sa kolobetswa ka Lebitso la Morena Jesu o ne a loketse ho kolobetswa hape.

Diketso 19:1-6, "Eitse ha Apolose a sa le Korinthe, Pauluse a haola dinaha tsa Asia tse kahodimo, a tla Efese, mme teng a fihlela barutuwa ba bang. A re ho bona: Na le amohetse Moya o Halalelang, mohla le dumelang na? Yaba ba re ho yena: Ha re eso ho utlwe hore Moya o Halalelang o teng. A re ho bona: Le kolobeditswe ka kolobetso efe na? Ba re: Ka kolobetso ya Johanne. Pauluse a re: Efela Johanne o kolobeditse ka kolobetso ya pako, a bolella batho hore ba dumele Ho Ya tlang ka mora hae, e leng Jesu Kreste. Eitse ha ba utlwa hoo, ba kolobetswa Lebitsong la Morena Jesu. Yare ha Paulosi a ba beile matsoho, Moya o Halalelang wa tla hodima bona, ba bua dipuo, mme ba porofeta." Ke moo he. Batho bana ba lokileng Efese ba ne ba ile ba utlwela ka ha Messia ya tlang. Johanne o ne a ile a rera ka Yena. Ba ile ba kolobetswa pakong ya dibe, ba tadimile PELE ho dumeleng Jesu. Empa jwale e ne e le nako ya ho sheba MORAO ho Jesu le ho kolobetswa TSHWARELONG ya dibe. E ne le nako ho amohela Moya o Halalelang. Mme hoba ba kolobetswe ka Lebitso la Morena Jesu Kreste, Paulosi o ile a bea matsoho a hae hodima bona mme Moya o Halalelang wa tla hodima bona.

Oh, batho bao ba ratehang Efese e ne e le batho ba batle; mme haeba e mong o ne a ena le tokelo ya ho ikutiwa a bolokehile, ebole bao. Lemoha hore ba ne ba etswa bohole bo bokae. Ba ne ba tsamaile tsela yohle ho fihlela ho amoheleng Messia ya tlang. Ba ne ba itlhopiseditse Yena. Empa na ha o lemohe seo hore hodima ho le jwalo ba ne ba Mo fositse? O ne a ile a tla le ho tsamaya. Ba hlokeha ho kolobetswa ka Lebitso la Morena Jesu Kreste. Ba ne ba hlokeha ho tlatswa ka Moya o Halalelang.

Haeba o kolobeditswe ka Lebitso la Morena Jesu Kreste, Modimo o tla o tlatsa ka Moya wa Hae. Hoo ke Lentswe. Diketso 19:6 eo re e badileng e ne le phethahatso ya Diketso 2:38, "Bakang, mme e mong le e mong wa lona a kolobeletswe ka Lebitso la Jesu Kreste tshwarelong ya dibe, mme le tla nka neo ya Moya o Halalelang." O a bona, Paulosi, ka Moya o Halalelang, o boletse hantle seo Petrose a se boletseng ka Moya o Halalelang. Mme se boletsweng se ka

SE fetolwe. Se tlamehile ho tshwana ho tloha Pentekosta ho fihlela le mokgethwa wa ho qetela a kolobeditswa. Bagalata 1:8, "Athe motho, leha e ka ba rona, kapa lengelo le tswang lehodimong, ha a ka le bolella Evangedi esele ho eo re seng re le boleletse yona, a neelwe anathema."

Jwale ba bang ba lona ba Bonngwe le kolobetsa ka phoso. Le kolobeletsa tshokoloho jwaloka hoja ho qwediswa metsing ho a o pholosa. Tshokoloho ha e tle ka metsi; ke tshebetso ya Moya. Monna eo ka Moya o Halalelang a laetseng, "Bakang mme le kolobetswe e mong le e mong wa lona ka Lebitso la Morena Jesu," ha a ka a re metsi a ntjhafatsa. O boletse hore ke sesupo feela sa "letswalo le letle pela Modimo." Ke pheto. 1 Petrose 3:21, "Se tshwantshwang ke hoo ke kolobetso e re pholosang jwale (eseng e hlatswang ditshila tsa mmele, empa eo e leng ho itlama ka letswalo le letle pela Modimo) ka tsoho ya Jesu Kreste." Ke a e dumela.

Haekaba e mong a ena le mehopolo efe feela e fosahetseng hore histori e ka paka kolobetso ya metsi ka mokgwa osele ho ena le ka Lebitso la Morena Jesu Kreste, ke o lemosa ho bala dihistori le ho iphumanel ka bowena. Ho latelang ke tlaleho ya nnete ya Kolobetso e etsahetseng Roma, A.D. 100 [dilemo tse lekgolo mora lefu la Kreste.—Moft.], mme ya phatlalatswa hape Makasining wa TIME Tshitwe 5, 1955. "Mohlanka a phahamisa letsoho la hae, mme Pabliase Desiase a kena le monyako wa phaposi ya ho kolobetsa. Markuse Vaska mohwebi wa patsi o ne a eme botebo ba letheka ka metsing. O ne a bososela nakong eo Pabliase a kenang letsheng mabapa le yena. 'Kredisi?' a botsa. 'Kredo', ho arabela Pabliase. 'Ke dumela hore pholoho yaka etswa ho Jesu eo e leng Kreste, Ya thakgisitsweng tlasa Ponse Pilato. Ke shwele mmoho le Yena hore mmoho le Yena ke tle ke be le Bophelo bo sa Feleng.' Yaba o utlwa ha diphaka tse matla di mo tshehetsha nakong eo a itlohellang ho wela morao ka letsheng, mme a utlwa lenseswe la Markuse tsebeng ya hae — 'Ke o kolobetsa ka Lebitso la Morena Jesu' — ha metsi a batang a mo kwahela hodimo."

Hantle ho fihla nnete e lahleha (mme ha e a ka ya kgutla ho fihlela mongwaheng wona wa qetelo — mona ke ho hlaha

Nisea ho fihla mongwaha-kgolong wona o hodimo o qadile) ba kolobeditse ka Lebitso la Morena Jesu Kreste. Empa e kgutlile. Satane a ke se kgone ho kwebetella tshenolo fatshe ha Moya o batla ho e tlisa.

Ehlide, haeba ho ne ho ena le Medimo e meraro, o no ka nna wa kolobeletsa hantle ho Ntate, Mora, le Moya o Halalelang. Empa TSHENOLO E FILWENG JOHANNE ebile hore ho na le MODIMO O NNOTSHI mme Lebitso la Wona ke MORENA JESU KRESTE, mme o kolobeletsa Modimo a le MONG le hona a le mong feela. Ke lebaka leo Petrose a kolobeditseng ka mokgwa oo a entseng Pentakosta. O ne a tlamehile ho tshepahala tshenolong e neng e le hore, "Ntlo yohle ya Iseraele e ke e tsebe ruri, hore JESU EO, eo le Mo thakgisitseng, Modimo o Mo entse MORENA LE KRESTE MMOHO." Ke Eo he, "MORENA JESU KRESTE."

Haeba Jesu ke Morena le Kreste "MMOHO," jwale e tla be e le hore Yena (Jesu) ke, mme e ke se be letho ntle le "Ntate, Mora, le Moya o Halalelang" Mothong a le MONG ya bonahaditsweng nameng. Ha SE "Modimo bathong ba bararo, boraro bo tlotlehang," empa MODIMO O NNOTSHI, MOTHO A LE MONG ka maemedi-bitso a maholo a mararo, ka diofisi tse tharo tse bonahatsang maemedi ao. Utwang hape-hape. Yena Jesu enwa ke "Morena le Kreste MMOHO." Morena (Ntate) le Kreste (Moya o Halalelang) ke Jesu, hobane Yena (Jesu) ke bona MMOHO (Morena le Kreste).

Ha seo se sa re bontshe tshenolo ya nnete ya Bo-Modimo, ha ho letho le tlang ho etsa. Morena ha SE e mong; Kreste ha SE e mong. Jesu enwa ke Morena Jesu Kreste — MODIMO O LE MONG.

Ka tsatsi le leng Fillipi o ile a re ho Jesu, "Morena, re bontshe Ntate mme etlaba ho re lekane." Jesu a re ho yena, "Ke bile le lona nako e kaalo mme ha o a ka wa Ntseba? Ya Mponeng o bone Ntate, kahoo o ka rialo jwang, re Bontshe Ntate? Nna le Ntate re Bang." Ke ile ka bua seo ho mosadi e mong ka nako e nngwe, "Butle hanyenyane, Mong. Branham, wena le mosadi wa hao le bang." Ka re, "Eseng ka mokgwa oo."

A re, "O reng?"

Yaba ke re ho yena, "O a mpona?"

A re, "Ee."

Ka re, "O bona mosadi wa ka?"

A re, "Tjhe."

Ka re, "Jwale etlaba bonngwe boo ke bo fapaneng, hobane O itse, Ha o bona Nna, o bona Ntate."

Moporofeta o boletse hore lesedi le tla ba teng nakong ya mantsiboya. Ho ngodilwe sefeleng:

"Lesedi le tla ba teng nakong ya mantsiboya,

Tselo e yang kganyeng o tla e fumana ruri,

Tseleng ya metsi, ke lesedi kajeno,

O patilwe ka Lebitso le tlottlehang la Jesu.

Ba banyenyane le ba baholo, bakang dibeng tsa lona,

Ruri Moya o Halalelang o tla kena kahare.

Lesedi la mantsiboya le tliile,

Ke nnete hore Modimo le Kreste ba bang."

Ha se kgale haholo ha ke ne ke bua le Rabbi wa Mojude. A re ho nna, "Lona Baditjhaba le ke se kgaole Modimo dikoto tse tharo mme le Mo nee Mojode. Re tseba haholwanyane ho feta moo."

Ka re ho yena, "Hantle feela, Rabbi, ha re kgaole Modimo koto tse tharo. O dumela baporofeta, na ha ho jwalo?"

A re, "Ehlile ho jwalo."

Na o dumela Esaia 9:6?

"Ee."

"Moporofeta o ne a bua ka mang?"

"Messia."

Ka re, "Messia o tla ba le kamano efe le Modimo?"

A re, "E tla ba Modimo."

Ka re, "Ke hantle." Amen.

O ke se bee Modimo bathong ba bararo kapa dikarolong tse tharo. O ke se bolelle Mojude hore ho na le Ntate, le Mora, le Moya o Halalelang. O tla o bolella ka potlako moo kgopoloo eo e hlahileng teng. Bajude ba tseba hore mofoka wona o ne o hlongwe Lekgotleng la Nisene. Ha ho makatse ha ba re soma jwaloka bahetene.

Re bua ka Modimo o sa fetoheng. Bajude ba dumela seo le bona. Empa kereke e ile ya fetolela Modimo wa yona o sa fetoheng ho tloha BONNGWENG ho ya BORARONG. Empa lesedi le a kgutla nakong ya mantsiboya. *Ho makatsa hakakang hore nnete ena e ttle nakong eo Bajude ba kgutlelang Palestina*. Modimo le Kreste ba BANG. Jesu enwa ke MORENA LE KRESTE MMOHO.

Johanne o bile le tshenolo, mme JESU e ne e le Tshenolo, mme O itlhahisitse Boyena hantle mona Lengolong. — “Ke NNA Ya neng a le Teng, Ya leng Teng le Ya Tlang, ya Matlaohle. Amen.”

Haeba tshenolo e hole le wena, lelala hodimo le ho batla Modimo bakeng sa yona. Ke wona feela mokgwa oo o tlang ho e fumana le ka mohla. Tshenolo e tshwanetse ho tswa ho Modimo. Le ka mohla ha e ke e etla ka boikgathatso ba batho, ba nama, empa ka kabo ya Semoya. O ka nna wa kgonaa le ho tshwarella Mangolo ka hloho, mme leha seo se babatseha, se ke se sebetse hona. E loketse ho ba tshenolo ho hlaho ho Modimo. Ho bolelwa Lentsweng hore ha ho motho ya ka bitsang Jesu Kreste haese ka Moya o Halalelang. O tlamehile ho amohela Moya o Halalelang mme ebe, ke hona feela, Moya o ka kgonang ho o nea tshenolo hore Jesu ke Kreste: Modimo, Motlotsuwa.

(Ho tswa ho: *Mengwaha ya Diphutheho Tse Supileng*)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)